

## **Strateški ciljevi sa pokazateljima utjecaja**

U skladu sa definiranim strateškim fokusima, Vizija razvoja Kantona 10 će se realizirati kroz tri strateška cilja, koji su ovdje opisani. Za svaki strateški cilj definirani su očekivani ishodi (pokazatelji utjecaja) za praćenje ostvarenog napretka po strateškim ciljevima (prikazani u tabelarnoj formi u nastavku teksta).

### **Strateški cilj 1: Konkurentno gospodarstvo kroz intenziviranje proizvodnje i povećanje zaposlenosti**

Ovaj strateški cilj odgovara na potrebu da se u Kantonu 10 stvore uvjeti za jačanje poduzetništva kroz poboljšanje poslovne klime i uvezivanje MSP aktivnosti sa većim privrednim subjektima: stvaranje konkurentnog gospodarstva temeljenog na znanju, poticanje inovacija, tehnološko unaprjeđenje gospodarstva, stvaranje povoljnog finansijskog okruženja za razvoj poduzetništva, te regionalno umrežavanje i integriranje. Namjera je da se stvore pogodni uvjeti za investicije koje će rezultirati ekonomijom obima u oblasti poljoprivredne proizvodnje, ojačaju kapaciteti u oblasti ruralnog turizma (poticanje razvoja turističke infrastrukture); privuku investicija u oblasti obnovljivih izvora energije i re-afirmira dravno-prerađivačka industrija. Također se nastoji osigurati ravnomjeran razvoj svih dijelova Kantona, odnosno osigurati poboljšanje razvojnih potencijala i životnih uvjeta u ruralnim područjima s ciljem zadržavanja stanovništva i ravnomjernog razvoja Kantona.

### **Strateški cilj 2: Poboljšanje komunalne infrastrukture i zaštita okoliša**

Iako je u socio-ekonomskoj analizi i SWOT analizi utvrđeno da Kanton ima relativno čist okoliš, uvrđeno je i da ne postoje kvantitativni pokazatelji o zagađenju, tj. ne postoje sustavi za mjerenje zagađenja tla, zraka i vode. Te sustave je potrebno izgraditi da bi se vršila redovna kontrola kvaliteta životne sredine. Naposljetku, neophodno je napomenuti da građani imaju važnu ulogu u očuvanju okoliša, te je potrebno kontinuirano graditi svijest javnosti o očuvanju prirode i zaštiti okoliša.

Kanton 10 je u finalnoj fazi izrade Prostornog plana, kao polazne osnove za unaprjeđenje upravljanja razvojem i za osiguranje održivog razvoja. Svi razvojni resursi (prirodna bogatstva, kulturno-historijski sadržaji, opći društveni resursi) se mapiraju i na odgovarajući način štite mjerama koje su definirane u prostorno-planskoj dokumentaciji.

Strateški cilj 2 podrazumijeva realiziranje mjera usmjerenih na: uspostavu sistema monitoringa zagađenja na području Kantona; unaprijeđenje kvalitete komunalne infrastrukture; promicanje energetske učinkovitosti; i jačanje svijesti stanovništva za racionalno korištenje prirodnih resursa i zaštitu okoliša.

### **Strateški cilj 3: Razvoj ljudskih potencijala i struktura za upravljanje razvojem u funkciji povećanja kvalitete života**

Ovaj strateški cilj odnosi se na razvijanje ljudskih resursa u skladu sa potrebama tržišta rada (podizanje kvaliteta radnih resursa i aktiviranje tih resursa, povećanje zapošljavanja) i poboljšanje

kvalitete socijalnog i zdravstvenog sustava (poboljšanje uvjeta i kvalitete rada u zdravstvenim ustanovama, unaprjeđenje zdravlja stanovništva, briga za ranjive društvene skupine i mlade osobe).

U sustavu odgoja i obrazovanja potrebno je posvetiti pažnju i na poboljšanje uvjeta i kvalitete rada u predškolskim i obrazovnim institucijama. Također je potrebno razvijati kulturne i sportske sadržaje, uz očuvanje i održivo korištenje kulturne baštine (poticanje kulturnog stvaralaštva te poboljšanje uvjeta za rad kulturnih organizacija, razvoj sportske kulture).

U širem smislu, unaprjeđenje upravljanja razvojem obuhvata razvoj sustava strateškog planiranja u općinama i u kantonalnoj administraciji zajedno sa procesom uključivanja svih aktera u zajednici i procesom intenziviranja međunarodne saradnje. U skladu sa važećim propisima, Kanton je opredijeljen da izgradi efikasnu, participatornu i transparentnu upravu, koja je sposobna da odgovori zahtjevima razvojnog planiranja i implementacije razvojnih projekata. Također, Kantonalna vlada je otvorena za suradnju sa civilnim društvom, uključujući razvijanje sustava za učinkovito financiranje organizacija civilnog društva i uspostavu dijaloga između javnog, civilnog i poslovnog sektora. Na planu saradnje sa akterima u inozemstvu, prepoznat je strateški interes za unaprjeđenje prekogranične i međunarodne suradnje s drugim zemljama i regijama, te aktivno sudjelovanje u radu međunarodnih organizacija i tijela.

Strateški ciljevi 2016-2020	Pokazatelji utjecaja
<p><b>SC 1. Konkurentno gospodarstvo kroz intenziviranje proizvodnje i povećanje zaposlenosti</b></p>	<p>Do kraja 2020. godine broj poslovnih subjekata povećan za 10% u odnosu na broj 3.855 u 2014. godini.</p> <p>Do kraja 2020. godine iznos za investicije na godišnjem nivou povećan za 10% u odnosu na iznos investicija od 46 miliona KM u 2014. godini</p> <p>Do kraja 2020.g. doseći nivo prosjeka razvijenosti Federacije BiH</p>
<p><b>SC 2. Poboljšanje komunalne infrastrukture i zaštita okoliša</b></p>	<p>Donošenjem i dosljednom primjenom 6 ključnih zakona i pripadajućih podzakonskih akata, Prostornog plana i KEAP-a kreiran stimulirajući okvir za unaprjeđenje komunalne infrastrukture i zaštitu okoliša na kantonalnom nivou i stvorene pretpostavke za harmonizaciju sa EU acqui (Početno stanje: trenutno nije usvojen nijedan kantonalni zakon za oblast zaštite okoliša)</p> <p>Osigurane kvalitetne komunalne usluge za sve stanovnike Kantona:</p> <ul style="list-style-type: none"> <li>- Organizirano prikupljanje i sanitarno deponovanje otpada osigurano na cijelom području Kantona (obuhvaćeno 90% domaćinstava), realizacijom projekta uspostave regionalne</li> </ul>

	<p>sanitarne deponije;  <i>(Početno stanje: Trenutno se komunalni otpad deponuje na privremenim općinskim deponijama koje imaju ograničen kapacitet i zagađuju okoliš. Procjenjuje se da je sistemom obuhvaćeno manje od 50% domaćinstava, većinom u urbanim područjima)</i>  - Pristup kontroliranoj vodi za piće ima 60% stanovnika  <i>(Početno stanje: Javnim sistemom vodosnabdijevanja, gdje je kvalitet vode pod kontrolom, pokriveno je oko 40% stanovnika)</i></p>
<b>SC 3. Razvoj ljudskih potencijala i struktura za upravljanje razvojem u funkciji povećanja kvalitete života</b>	<p>Do kraja 2020. godine stepen zaposlenosti povećan za 2% u odnosu na stepen zaposlenosti od 18,6 % u 2014. godini</p> <p>Osigurana efikasna implementacija Strategije razvoja - ispunjenje operativnih planova veće od 80% (kao rezultat rada uspostavljenih struktura za upravljanje razvojem)</p>

### 1.1. Prioriteti sa pokazateljima rezultata

Za realizaciju svakog strateškog cilja definirano je nekoliko prioriteta čija realizacija treba dovesti do ispunjenja cilja.

Strateški cilj 1 - *Konkurentno gospodarstvo kroz intenziviranje proizvodnje i povećanje zaposlenosti* - podrazumijeva sljedeće prioritete:

- 1.1. Razvoj poljoprivrede i ruralnog područja
- 1.2. Jačanje sektora malih i srednjih poduzeća kroz veći stepen tehnološke inovativnosti uz optimalno korištenje postojećih resursa
- 1.3. Razvoj turizma kroz otvaranje mogućnosti za snažniji razvoj poduzetništva i obrtništva
- 1.4. Jačanje prometne infrastrukture i energetske potencijala

U okviru strateškog cilja 2 - *Poboljšanje komunalne infrastrukture i zaštita okoliša* - definisani su sljedeći prioriteti:

- 2.1. Jačanje zakonske regulative i kapaciteta u oblasti okoliša
- 2.2. Podizanje kvalitete komunalne infrastrukture
- 2.3. Poboljšanje energetske učinkovitosti
- 2.4. Održivo upravljanje prirodnim resursima

Za strateški cilj 3 - *Razvoj ljudskih potencijala i struktura za upravljanje razvojem u funkciji povećanja kvalitete života* – definisani su sljedeći prioriteti:

- 3.1. Razvoj kantonalnog tržišta rada
- 3.2. Unaprjeđenje sustava socijalnih usluga
- 3.3. Razvoj sustava odgoja i obrazovanja
- 3.4. Poboljšavanje kvaliteta zdravstvenog sustava
- 3.5. Braniteljska zaštita i prava civilnih žrtava rata
- 3.6. Unapredjenje upravljanja razvojem

<b>Strateški ciljevi 2016-2020</b>	<b>Prioriteti</b>	<b>Pokazatelji rezultata</b>
<b>SC 1. Konkurentno gospodarstvo kroz intenziviranje proizvodnje i povećanje zaposlenosti</b>	1.1. Razvoj poljoprivrede i ruralnog područja	Podignut kvalitet proizvedenih proizvoda i konkurentnosti poljoprivrednih proizvođača
	1.2. Jačanje sektora malih i srednjih poduzeća kroz veći stepen tehnološke inovativnosti uz optimalno korištenje postojećih resursa	Poboljšana postojeća poduzetnička infrastruktura o kreirani novi kapaciteti u svrhu povećanja konkurentnosti poslovnih subjekata
	1.3. Razvoj turizma kroz otvaranje mogućnosti za snažniji razvoj poduzetništva i obrtništva	Uspostavljena nova turistička ponuda kroz sport i rekreaciju; Povećanje broja domaćih i stranih turista
	1.4. Jačanje prometne infrastrukture i energetske potencijala	Dobra prometna povezanost svih naseljenih mjesta u Kantonu te ostvarena kvalitetna međunarodna povezanost

Strateški ciljevi 2016-2020	Prioriteti	Pokazatelji rezultata
<b>SC 2. Poboljšanje komunalne infrastrukture i zaštita okoliša</b>	2.1. Jačanje zakonske regulative i kapaciteta u oblasti okoliša	<p>Kreiran pravni i strateški okvir na nivou kantona osigurava bolju funkcionalnost komunalnih službi i odgovornih institucija u oblasti zaštite okoliša: Doneseno 6 ključnih zakona za oblast zaštite okoliša, usvojen Prostorni plan i KEAP (<i>Trenutno ne postoji nijedan kantonalni zakon u oblasti zaštite okoliša</i>);</p> <p>Službenici su prošli odgovarajuće obuke i osiguravaju efikasniji rad organa uprave u oblasti zaštite okoliša i upravljanja prostorom; Kvalitetnije planiranje i korištenje prostora, zahvaljujući uvođenju GIS-a;</p> <p>Kvalitetnija i brža komunikacija između nadležnih institucija;</p> <p>Uspostavljeni mehanizmi komunikacije za prekograničnu saradnju;</p> <p>Efikasnije rješavanje problema i realizacija projekata (zahvaljujući većem broju uposlenika).</p>
	2.2. Podizanje kvalitete komunalne infrastrukture	<p>Smanjeno zagađenje voda (recipijenata) – utvrđice se na osnovu monitoringa kvaliteta vodotokova i jezera koji se planira uvesti (projekti 2.2.1.1. i 2.4.4.1.);</p> <p>Poboljšano praćenje odnosa sa potrošačima usluga vodoopskrbe;</p> <p>Povećan procenat naplaćenih usluga vodoopskrbe;</p> <p>Dosljedno poštivanje regulative za kvalitet vode;</p> <p>Unaprijeđena javna svijest o potrebi kontrole kvaliteta vode – bolje upravljanje vodovodnim sistemima i komunikacija između vodoopskrbnih preduzeća i građana;</p> <p>Poboljšana općinska komunalna infrastruktura;</p> <p>Izrađen i usvojen Plan upravljanja otpadom;</p> <p>Smanjen broj divljih deponija i sanirana područja pod divljim deponijama;</p> <p>Povećane količine prikupljenih reciklažnih sirovina;</p> <p>Izgrađena regionalna sanitarna deponija;</p> <p>Izgrađena odlagališta građevinskog i inertnog otpada iz drugih izvora.</p>

Strateški ciljevi 2016-2020	Prioriteti	Pokazatelji rezultata
	2.3. Pобољшanje energetske učinkovitosti	Kvalitetniji rad institucija zahvaljujući uspostavljenom sustavu i bazi podataka o potrošnji energije; Uspostavljen pravni i strateški okvir za realizaciju mjera energetske učinkovitosti; Ostvarene uštede energije u javnim objektima.
	2.4. Održivo upravljanje prirodnim resursima	Kreiran povoljan pravni okvir na kantonalnom nivou; Proglašavanje novih zaštićenih područja; Implementirani novi modeli upravljanja zaštićenim područjima; Poboљšano upravljanje zaštićenim područjima, u skladu sa Planom; Stanovništvo aktivnije učestvuje u projektima zaštite okoliša; Izrađen plan mjera sanacije i unaprjeđenja stanja; Stvorene pretpostavke za bolju zaštitu i upravljanje vodama; Stvorena informaciona osnova za očuvanje biološke i krajobrazne raznolikosti; Realizirane mjere iz Plana zaštite bioraznolikosti.
<b>SC 3. Razvoj ljudskih potencijala i struktura za upravljanje razvojem u funkciji povećanja kvalitete života</b>	3.1. Razvoj kantonalnog tržišta rada	Razvijene mjere i strategije za jačanje lokalnog tržišta rada, unapredjenje i poticanje zapošljavanja i samozapošljavanja
	3.2. Unaprjeđenje sustava socijalnih usluga	Stvaranje uvjeta i programa za poboljšanje stepena socijalne uključenosti
	3.3. Razvoj sustava odgoja i obrazovanja	Stvoren pravni okvir i uvjeti za kvalitetniji obrazovni sustav
	3.4. Poboљšavanje kvaliteta zdravstvenog sustava	Poboљšana kvaliteta usluga u cijelokupnom zdravstvenom sektoru
	3.5. Braniteljska zaštita i prava civilnih žrtava rata	Uređeno financiranje i sufinanciranje braniteljske populacije
	3.6. Unapredjenje upravljanja razvojem	Uspostavljena jedinica za upravljanje razvojem